

Այս հատորը լոյս է տեսնում Հայաստանի Հանրապետութեան Էլեկտրոնային տասնամեակի առթիւ: Հանրապետութեան ամբողջական պատմութիւնը չէ նա: Նման աշխատանք կատարելու համար ես ոչ բաւականաչափ ժամանակ եմ ունեցել տրամադրութեանս տակ, ոչ էլ, մանաւանդ, պահանջած աղբիւրները — Երևանի պետական դիւանները: Իմ նպատակն էր, տարեդարձի առթիւ, հաւաքել ի մի Հայաստանի Հանրապետութեան ծագման ու կեանքին վերաբերող տեղեկութիւնները, որքան այդ հնարաւոր էր տարագրութեան պայմաններում, տալ ամփոփ գաղափար Հայաստանի Հանրապետութեան մասին: Գիրքը գրելիս ես չեմ ունեցել միտում՝ անպատեառ արձանագրել լաւ և խուսափել վատից: Իմ միակ միտումը եղել է պատմական նշմարութիւնը, առարկայական արձանագրութիւնը դէպքերի՝ ջանալով հաւասար պաղարխունութեամբ ներկայացնել կեանքի բոլոր արտայայտութիւնները:

Հանրապետութեան հակառակորդների կողմից կայ մի յամառ ձգտում՝ ջնջել մարդկանց մտքից ամէն մի յիշատակ, որ կապուած է Հայաստանի անկախութեան շրջանի հետ, մոռացնել տալ Հայաստանի Հանրապետութեան գոյութիւնը, սևացնել նրան: Աշխատում են մոռալ գոյց տալ անցեալը, որպէսզի ներկան երևայ լուսաւոր: Զե՞ որ՝ որքան յաւար է գիշերը, այնքան պայծառ են աստղերը: Այս գրքի կոչումն է՝ յիշեցնել մոռացողներին, ինչ որ չպէտք է մոռանալ, գոյց տալ նոր սերնդին ինչ կեանք ապրեց Հայաստանի Հանրապետութիւնը:

Գիրքը գրելիս ինձ համար աղբիւր են ծառայել նախ՝ իմ, տարիների ընթացքում, հաւաքած նիւթերը, երկրորդ՝ Հ.Հ.Փարիզի Պատւիրակութեան «Գործ»-երը, երրորդ՝ Անդրկովկասի Սէյմի արձանագրութիւններն ու վաւերագրերը, չորրորդ՝ Կովկասի ու Հայաստանի մամուլը, հինգերորդ՝ Հայաստանի Հանրապետութեան նւիրած հրատարակութիւնները և, վերջապէս, վեցերորդ՝ Հանրապետութեան շրջանի գործիչներից ոմանց տւած գրաւոր կամ բանաւոր տեղեկութիւններն ու լուսաբանութիւնները, մասնաւորապէս, Ա. Գիւլիսանդանեանի, Գրօի, Ս. Արարատեանի, Կուոօ Թարխանեանի, Ա. Աստուածատրեանի, Ա. Խոնդկարեանի, Լ. Շանքի, Լ. Նազարեանի, Յ. Տէրունիի, Դագար Քոչարեանի, Ա. Մարգարեանի, Գ. Բալայեանի, Մ. Օգանեանի, Մ. Թանաղոսի, Բէնօի, Ա. Աբեղեանի և ուրիշների: